

Decisiun da principi

Sin intschess dalla vischnauna da Tujetsch ein dus gronds implonts fotovoltaics previ: In a Scharinas-Cuolm Val, l'auter sil Cuolm Nalps. Per che quels sappien vegnir realisai drova ei il consentiment da principi dalla vischnauna. Quel ha la radunonza da vischnauna da prender quest venderdis.

HANS HUONDER/FMR

La Svizra drova energia e la finamira ei energia alternativa. Sper il nez dalla forza d'aua ei quei er il nez dil sulegl e dil vent. En muntogna seposcha surtur la caschun d'installar indrez da fotovoltaica, pia quels che produceschan electricitad cun agid dil sulegl. Dapi che la Confederaziun ha lantschau l'offensiva d'energia e scaffiu persuerter la basa legala per la promozion, ein plirs gronds projects fotovoltaics naschi. La lescha federala d'energia nova prescriba, ch'implonts gronds da fotovoltaica sin surfatschas libras vegnan susteni dalla Confederaziun cun tochen 60% dils cuosts da construcziun. Per ch'ils implonts vegnien realisai spert, ein las subvenziun limitadas el termin. Diesch perschien dall'energia producida digl implont subvenziunau sto numnadamein star a disposiziun la fin 2025, l'ulteriura part entochen la fin 2030.

Dus gronds implonts

Sin intschess dalla vischnauna da Tujetsch ein dus gronds implonts en projectaziun. Quel da SedrunSolar dall'Energia alpina a Scharinas-Cuolm Val e quel da NalpSolar dall'Axpo a Cuolm Nalps. Ils dus indrez gronds produceschan annualme in grond quantum energia: SedrunSolar 28 gwu che munta il diever annual da rundond 6400 casadas e NalpSolar cun rundond 13 gwu che munta il consum annual d'electricitad da rundond 3000 casadas. Las surfatschas necessarias persuerter muntan a rundond 28 ha a Scharinas-Cuolm Val ed a rundond oig hectaras en Val Nalps. Sco quei che la suprazion communal constatescha el messadi per mauns dalla decisiun dalla radunonza da vischnauna da quest venderdis, ha l'examinaziun dils dus loghens mussau ch'els adempleschan il meglier las cundiziuns legalas, tecnicas ed economicas per tais implonts en Val Tujetsch. «L'ovra a Scharinas-Cuolm Val ei seapescha pli datier alla vischnauna, damai ch' il terren s'aua ad ella sco er l'Energia alpina», di il president communal Martin Cavegn sin damonda dalla FMR. Auter seigi quei tiel project a Nalps che seigi sin intschess dall'Ovra electrica Reinanterei.

Ei basegna il consentiment

Per che l'Energia alpina e l'Axpo sappien cuntinuar culla planisaziun dils dus implonts basegnan las duas interesas la basa legala per-



A Scharinas-Cuolm Val ha l'Energia alpina installau in indrez da test da fotovoltaica per examinar la produziun d'energia en quei liug.

suerter. In'emprema decisiun pren la radunonza communal da quest venderdis, ils 18 d'ost 2023. En tractaziun vegn la damonda da dar il consentiment per la realisaziun digl indrez fotovoltaica a Scharinas-Cuolm Val e d'approbar il contract dil dretg da baghegiar persuerter cull'Energia alpina. Il terren pigl implont ei numnadamein en possess dalla vischnauna. Il consentiment ston vischnas e vischins era dar alla realisaziun digl indrez fotovoltaica dall'Axpo si Cuolm Nalps. «La decisiun che la radunonza da vischnauna ha da prender ei ina da principi, sache la vischnauna vul ils dus implonts ni buc», di Martin Cavegn. Duess ella dar il consentiment per las duas ovras, san ils detagls per las damondas da baghegiar vegnir elavurai dallas societads. En lezs cass s'extracta ei da damondas per implonts ordeifer la zona da baghegiar che pretendan il consentiment dil cantun.


Il muossavia «Solarexpress»

Sco il meinatschenta dall'Energia alpina, Ciril Deplazes ha detg alla FMR, ein tus detagls dil process per la damonda da baghegiar

formulai el muossavia cul num «Solarexpress». Quel ha il cantun Grischun relaschau. En quel san ins leger denter auter ch'il decurs legal d'in tal project ei detg cumplex. La damonda da baghegiar sto vegnir examinada dalla vischnauna, sto vegnir publicada ufficalme ed allura vegnir suttamesa agl Uffizi pil svilup dil territori dil Grischun ch'ei aschidadir l'autoritat tgamuonata per quels projects. Ulterius uffics han medemamein la puseviltad da prender posizun avon che la regenza decida. Suerter lezza decisiun exista lu aunc ina fasa da recuors. «Nus lessen inoltrar la damonda da baghegiar el decurs legl october ni sil pli tard il november. La finamira ei da saver entschiever cullas lavurs preparatorias ei territori Scharinas-Cuolm Val la primavera ni stad vegnenta», declara Ciril Deplazes. Il temps che la damonda da baghegiar vegn giudicada vul l'Energia alpina nezegiar denter auter era per publicar las lavurs da construcziun. «La damonda pil sustegn finanziel alla Confederaziun sa vegnir fatga quei mument che la lubientscha da baghegiar ei avon maun», di Ciril Deplazes.

RUINAULTA

Accident cun barca




Ina colisiun cun in crap ha pudiu fierer dus persunas el flum. FOTO MAD

Mardis suentermezi ei ei schabegiau in accident cun ina barca ella Ruinaulta. Reparti sin treis canus canadians ei ina grupp da tschun persunas dall'Austria partida entuorn las 10.30 alla staziun da Versomi per la tura sil Rein. Sco quei ch'ils involvai han rapportau alla polizia, sto in dils canus esser collidau cun in crap. La colisiun ha pudiu fierer ina mumma e siu fegl el flum. Commemblers dalla grupp han trag ord l'aua il buob da diesch onns e purtau en segirtad el. La mumma da 48 onns han ins saviu spindrar rundond 200 meters pli engiu. Ils presents han immediatamein entschiet a reanimar ella ed han alarmau in helicopter dalla Rega, lezza ha transportau la grevblessada el Spital cantunala a Cuera. Ensemen culla Procura publica ha la Polizia cantunala entschiet ad investigar pertuccont ils motifs digl accident. (cdm/fmr)

GLION

Ilanz/Glion e ses dus lungatgs

Gievgia, ils 17 d'ost 2023, envida il Museum Regional Surselva a Glion ad in referat cun discurs al podi. Il tetel tudestg «Lust & Last der sprachlichen Vielfalt», metta sil punct la tematica. La sera ella bargia dil museum plaidea Renata Coray digl institut per plurilinguitad dal'Universitad da Fribourg dallas sfidas actualas da vischnaunas plurilinguas.



A Glion vegn discutau davart la plurilinguitad. FOTO AUGUSTIN BEBET

Suerter suonda in discurs al podi. La moderatara Alice Beroggi tschontscha cun Silvia Dierich, deputada e menader dalla scola da Ilanz/Glion. Plinavon ein sil podi Manuel Montalat, meingestiuon dalla Montalta SA, Michael Spescha, menader dalla canzlia communal ed Anna Gschwend Malin dalla pratica da medi d'affons La Porta e parlamentara. La vischnauna da Glion seigi in exempel paradigmatic pils contacts linguistics quotidianes e las sfidas dalla bi- e plurilinguitad, scriva il Museum Regional Surselva en siu invic. (cdm/fmr)

Il referat e la discussiun ein gievgia, ils 17 d'ost 2023, allas 20.00 ella bargia dil museum Casa Carnic a Glion.

Il Hobbit vegn sin viseta ella Romontschia

En ina cumbinaziun da studi academic e pissiu culturala ha Leander Etter, student da giurisprudenza a Turigt, iniziiau in project ambizius cun la casa Ediziun Apart. El translatescha il Hobbit per romontsch sursilvan. El vegn sustenius tier quei project dil Not Soliva, in student da romanistica tuetschin.

MARTIN SIMONET/FMR

«Jeu hai buca apprezzau avunda il romontsch sco buob», di Leander Etter: «A casa discurevan nus pil bia tudestg.» Per cu ch'el ei ius a habitar a Turigt seigi siu interess superficial sevvilupaus ad ina vera pissiu. «Enzatgei che ha fatg surstar mei ei conta glied svizra che sa buca ch'il romontsch vegn aunc discurs el mintgadi», di Leander Etter. «Entgins manegian che romontsch seigi in lungatg mistic, ch'ei secrets en in cudisch en ina cripta cuvretgs cun teilas da falians.» Per part savess la raschun per la pintga preschientscha dil romontsch era esser la munconza da medias e literatura populara el lungatg romontsch. Cu Leander Etter ha realisau quei seigi el sedecidius da sedar giu pli intensivamein cul romontsch. Leander Etter ha 25 onns ed ei carschius si a Musér. Il bia da siu temps passenta el denton a Turigt, nua ch'el studegia giurisprudenza. Sper il studi lavura Leander Etter a temps parzial sco assistent per in professor e, dapi treis onns, sco editur tier Ediziun Apart. L'Ediziun




Leander Etter (25), studegia giurisprudenza e lavura dasperas sco editur tier l'Ediziun Apart.

Apart ei ina pintga casa editura a Turigt che pulichescha cudischs romontschs.

Romontsch ella reit digitala

Mo Leander Etter vul buca maelegiar il giavel vid la preit. Cul romontsch mon-

di ei buca schliet il mument. «Il romontsch ha cumparegliau cun auters lungatgs minoritaris ina buna presenza online», di Leander Etter. Per ch'in lungatg survivi stoppian ins purtar el leu nua ch'ei vegn discurs. Ei seigi im-



Clieiti era per romontsch.

d'in project da scumiada da lungatgs denter glied dalla Rumenia, dall'Italia ed dalla Romontschia. «Igl ei impurtant da haver ina presenza romontscha ella reit, damai ch'ils discurs culturals han liug pli e pli ferg online», di Leander Etter. «La reit digitala porscha l'opportunitad d'exponer biara glied al lungatg romontsch senza impegnar grondas resursas finanzialas.»

purto, specialme in per glied giuvna d'haver ina comunitad romontscha sigl internet. Leander Etter s'engascha gia dapi onns online pil romontsch, seigi sil forum romontsch da reddit – ina pagina d'internet nua che diversas comunitads san discuoer – ni sin Youtube. Leu eis el separticipaus vi

Las aventuras d'in Hobbit romontsch «Jeu hai gia adina giu tschaffen vid il romontsch», di Leander Etter. «Mo jeu hai mai giu grond interess vid la literatura romontscha classica che vegn discutada en scola. Sco affon, ed era pli tard, hael jeu adina preferiu cudischs da fantasia.» Sco grond fan da cudischs classics sco il Hobbit e Harry Potter hael el constatua ina munconza da translaziuns romontschas. «Il romontsch ha ina gronda riezha d'agens auters ed argnas praulas e detgas. Mo ei maunca translaziuns da biaras cudischs populars.» Aschia eis el sefatschentaus da quei problem ed ha entschiet a planisar la translaziun dil Hobbit. «Quei project ei ditg ius vias pulleinas avon ch'ei ha dau entzargei concret ordlunder», di Leander Etter. «Specialme in aquistar ils dretgs ei stau difficil.» Mo ussa seigien el ed siu translatur Not Soliva bein el temps, ed els speran da saver project lur cudisch aunc uonn. Sche lur project ha success savess el arver las portas per ulterius translaziuns da cudischs populars. E tgi sa, fors sa ins glied leger il Signur dils anials, Harry Potter ni Game of Thrones per romontsch.